

Uorden forestal Laax

Disposiziuns executivas tier la lescha cantunala d'uaul

Sebasond sin gl'art. 54 dalla lescha cantunala d'uaul (LCU) relaschada dalla vischnaunca ils 9 d'october 1998.

I. Disposiziuns generalas

Art. 1

Igl uorden forestal communal regla l'organisaziun, las incumbensas e las obligaziuns dil survetsch forestal dalla vischnaunca. Intent

Art. 2

Ils uauls da vischnaunca duein saver ademplir lur prestaziuns da protecciun, d'utilisaziun e dil beinstar public a moda durabla. Principi

II. Administraziun

Art. 3

La vischnaunca ademplescha sias incumbensas entras s'unir cun la vischnaunca da Sagogn, ell'associaziun dil revier forestal Sagogn/Laax. Organisaziun

Ella elegia dus delegai en la cumissiun dil revier forestal Sagogn/Laax.

Art. 4

L'administraziun e la survigilanza dils uauls communalis ei caussa dalla suprastanza communal. Administraziun e survigilanza

In commember da suprastanza ei gerau d'uaul.

Art. 5

La suprastanza communal ei responsabla pil manteniment e per la cultivaziun cunvegenta dils uauls communalis. Suprastanza communal

Ella

a) fixescha las directivas dalla politica forestala dalla vischnaunca;

- b) surdat lavurs pli grondas;
- c) punescha surpassaments digl uorden forestal communal.

Sch'ei vegn tractau en las sedutas dalla suprastanza communal a fatgs forestals, vegn il selvicultur da revier envidaus cun vusch consultativa.

Art. 6

La cumissiun da
revier

La cumissiun da revier ei responsabla per la gruppa da revier.

Ella

- a) elegia il selvicultur e persunal dil revier forestal;
- b) approbescha ils contracts da survetsch e las cundiziuns d'engaschament;
- c) approbescha il carnet dils duers dil selvicultur e persunal;
- d) approbescha il program da lavur, il preventiv ed il quen da menaschi;
- e) decida sur digl acquist d'uaffens, maschinas e vehichels el rom dil preventiv approvau.

Art. 7

Gerau d'uaul

Il gerau d'uaul

- a) ei delegau dalla cumissiun dil revier forestal Sagogn/Laax;
- b) promova l'economia forestala e la commercialisaziun dalla lenna en vischnaunca;
- c) representa ils interess forestals en suprastanza communal ed ella populaziun;
- d) pren part allas uatgas forestalas;
- e) fa proposta per la surdada da lavurs forestalas pli grondas;
- f) survigilescha la vendita da lenna;
- g) suttascriba ils contracts da vendita da lenna e da lavurs forestalas.

Art. 8

Selvicultur
da revier/
caumenaschi

Il selvicultur da revier vegn engaschus e salarisaus tenor las disposiziuns executivas decisivas dil cantun. El ha l'obligaziun da menar il menaschi forestal tenor las disposiziuns executivas dil cantun, e tenor il carnet dils duers.

III. Cultivaziun digl uaul

Art. 9

Finamira

Ils uauls communs ein da cultivar tenor las disposiziuns fixadas en la planisaziun forestala.

Art. 10

Las lavurs sedrezzan tenor il program annual approbau e tenor il preventiv. Program annual

Art. 11

Lavurs d'uaul astgan vegnir exequidas sulettamein da luvriers scolai correspudentamein ed observond las disposiziuns davart la segirtad da lavur digl ISAA. Segirtad da lavur

Lavurs a tiarzs astgan vegnir surdadas ultra da quei sulettamein observond l'obligaziun necessaria d'agir cun quitau.

Art. 12

Leu, nua ch'igl ei necessari per motivs fitosanitars ni per segirar la qualitad, sto la lenna vegnir allontanada immediat ord igl uaul u vegnir tractada a moda cumpetenta. Protecziun dalla lenna

Art. 13

Per cultivar ils uauls communalis eis ei da crear ina infrastruttura convegnenta e quella ei da mantener en in bien stadi. Infrastruttura

Art. 14

Il fa diever dallas vias d'uaul sedrezza tenor il reglament per far diever dallas vias d'uaul cun vehichels a motor diils 22 da fevrer 1996. Diever dallas vias d'uaul

IV. Products forestals e prestaziuns forestalas

Art. 15

La vischnaunca commercialisescha ils products forestals e las prestaziuns forestalas tenor il meglier pusseivel. Ella sustegn associaziuns cun las medemas finamiras ed ei commembra dalla SELVA. Commercialisaziun

Art. 16

La vendita dalla lenna vegn fatga dil selvicultur da revier communal cul gerau d'uaul tenor ils principis dallas «usanzas commercialas dalla Svizra». Vendita da lenna

Art. 17

La lenna da diever e da brisch che vegn duvrada per baghetgs communalis vegn messa a quen pil prezi da fiera. Consum intern

Art. 18
Lenna da taxa La suprastanza communal da decida davart las cundiziuns da vendita da lenna da taxa allas persunas cun dretg sin quella. Ei vala las prescripziuns en l'aschunta 1.

Art. 19
Lenna da brisch per las alps La lenna da brisch per las alps Plaun da Laax, Plaun da Sagogn, Nagens, S. Martin, Curtgani ed Uaul vegn dada giu gratuitamein sper ina via d'uaul carrabla.

Art. 20
Lenna manecla Sco lenna manecla valan lenna secca sidretg e lenna per tiara cun meins che 16 cm diameter en l'altezia dil pèz, sco era roma, scorsa, restonzas da tagl e cuschas.

Tut tgi che vul rimnar lenna manecla sto s'annunziar tier il selvicultur da revier.

Art. 21
Pigneuls, dascha per cuvierer Ils pigneuls e la dascha per cuvierer astgan vegnir tagliai suletta-
mein sut survigilanza forestala.

Il selvicultur da revier mira che quei vegni pinau e consignau en uorden e cunvegnentamein.

Art. 22
Prestaziuns d'economia colectiva Ils cuosts per las prestaziuns d'economia collectiva ein da cum-
provar e da metter ton sco pusseivel a quen als gudiders. Tut ils recavs per las prestaziuns d'economia collectiva e per utilisaziuns secundaras duein vegnir scretts dabien al quen forestal.

V. Protecziuns encunter donnas

Art. 23
Pasculaziun L'utilisaziun dils uauls sut pasculaziun ei da reglar en cunve-
gnietscha cun il survetsch forestal en reglaments da pasculaziun u en projects per separar igl uaul e la pastira.

Art. 24
Fiug Igl ei lubiu da far fiug egl uaul u en vischinonza da quel suletta-
mein, sch'ei dat negin prighel d'incendi special. Pigl Uaul Grond e gl'Uaul Taviarna vala in scamond da far fiug ordeifer las fueinas ufficialas.

Art. 25

Igl ei scumandau da campar egl uaul.

Campar

Art. 26

Igl access digl Uaul Grond vegn restrenschiu naven digl 1. da december entochen ils 31 da matg sin vias e sendas.

Access

VI. Disposiziuns penalas**Art. 27**

La suprastonza communal ei cumpetenta per tuts surpassaments encunter igl uorden forestal, aschilunsch che quels ein buca sutta-mess alla cumpetenza d'ina outra instanza.

Cumpetenza

Art. 28

Ils surpassaments dil present uorden forestal vegnan puni cun castitgs da 100.– entochen 5'000.– francs, ultra dall'obligaziun da sur-prender l'indemnisaziun cumpleina dil donn.

Castitgs

Art. 29

Ils castitgs e l'indemnisaziun dil donn ein da pagar alla cassa communalateifeer in meins suenter la consignaziun dalla disposiziun dil castitg.

Scadenza, mieds legals

Encunter ils castitgs dai dalla suprastonza communalateifeer ha il puniu il dretg da recuorer alla dertgira administrativa.

Art. 30

Las persunas officialas ein obligadas da denunziar ils surpassaments che vegnan ad els ad ureglia.

Obligaziun da denunziar

VII. Disposiziuns finalas**Art. 31**

Igl uorden forestal dils 15 d'avrel 1985 vegn abrogau.

Abrogaziun da dretg da tochen dacheu

Art. 32

Quest uorden forestal inclusiv l'aschunta van en vigur cull'approbaziun dalla radunonza communalateifeer e dalla Regenza dil cantun Grischun.

Vigur

Quest uorden d'ual ei vegnius approbaus en la radunonza comunala dils 9 d'october 1998.

Il president:

Vitus Dermont

Igl scarvon:

Augustin Killias

Approbau dalla Regenza tenor il conclus nr. 2100 dils 29 da november 1999.

Il president:

K. Huber

Il cancelier:

Dr. C. Riesen

Aschunta 1

Lenna da taxa

a) en general

Art. 1

Sco lenna da taxa vala la lenna da diever e la lenna da brisch che vegn vendida dalla vischnaunca per prezi reduciu. Noziun

Art. 2

La lenna da taxa vegn vendida als burgheis da vischnaunca che vivan en quella ed als Svizzers domiciliai en vischnaunca. Dretg

Art. 3

Damondas per obtener lenna da taxa ein d'inoltrar al selvicultur da reveir a scret tochen il termin publicau. Per la lenna da diever ei gl'intent dil diever d'indicar ed igl ei d'aschuntar ina gliesta da lenna. Damondas,
termins

Igl gerau d'uaul decida davart las damondas.

Art. 4

La lenna da taxa ei da pinar normalmein ord ils tagls ordinars u ord utilisaziuns sfurzadas. La consigna naven dalla cuscha ei scu-
mandada. Consigna

Art. 5

La vischnaunca ei responsabla pil pinar e pil transport dalla lenna da taxa. Sch'ils retscheviders gidan a pinar e transportar la lenna, eis ei da menar las gliestas da paga corrispudentas, aschia ch'els ein segirai encunter accident via vischnaunca tras igl ISAA. Pinar e transport

Art. 6

La lenna ch'ei buca vegnida menada naven enteifer in onn, croda senza restituziun alla vischnaunca. Termin per menar
naven la lenna

Art. 7

Il prezi da consigna che secumpona dalla taxa e dils cuosts per pinar, vegn fixaus dalla suprastonza communal. La taxa munta per burgheis silmeins a 40 pertschien, per domiciliai silmeins 50 pertschien dalla valeta da commerci dalla lenna. Prezi da consigna

Art. 8

Liug da diever/
commerci/brat

La lenna da taxa astga vegnir duvrada sulettamein sil territor dalla vischnaunca. Il commerci cun lenna da taxa ei scumandaus.

Art. 9

Reclamaziuns

Eventualas reclamaziuns concernent quantitas e qualitas ein da far a scret avon che la lenna vegn menada naven, sil pli tard denton 14 dis suenter la repartiziun e quei agl uffeci forestal da revier.

Suenter quei termin croda, cun excepziun da munglaments zuppai, la responsabladad dalla vischnaunca.

b) lenna da diever (petiziun)

Art. 10

Quantitas
d'acquist

Per baghetgs novs e renovaziuns sco era per reparaturas sa vegnir retratg duront ina perioda da 20 onns ils suandonts quantums da lenna:

- | | |
|-------------------------------------|-------------------|
| a) per ina casa | 30 m ³ |
| b) per ina casa da pliras famiglias | 40 m ³ |
| c) per in clavau | 30 m ³ |
| d) per annexas | 10 m ³ |

Sch'il tagli annual pretenda, sa quella quantitas vegnir reducida. Sch'ei vegn duvrau per in project da baghegiar dapli lenna, sa quei volumen supplementar vegnir retratgs pil prezi da fiera.

Art. 11

Sort da lenna

Pil solit vegn ei consignau lenna da pégn. La suprastonza decida davart la consigna d'autras sorts lenna.

Art. 12

Restricziuns

Per projects da baghegiar subvenziunai vegn ei buca consignau lenna da taxa.

Art. 13

Diever

La lenna da diever retratga ei da duvrar enteifer dus onns per igl intent lubiu. Per lenna che vegn buca duvrada conform al termin u ch'ei vegnida duvrada per in auter intent eis ei da pagar ultra dalla multa la differenza dil prezi da fiera cumplein.

Art. 14

Tgi che venda ina casa baghegiada cun lenna da taxa enteifer 20 onns ad in jester, ha da pagar la differenza dil prezi da fiera cum-plein. Decisiva ei la valeta actuala. Midada da maun

c) lenna da brisch (sort)**Art. 15**

Mintga tenercasa ha il dretg da retrer annualmein 2–4 m³ lenna da brisch. Quantitad

Art. 16

La consigna succeda en fuorma da lenna liunga sper via d'uaul carrabla. Consigna

Art. 17

Il termin da consigna vegn fixaus dil selvicultur da revier e publi-caus el fegl official. Termin

Art. 18

Il prezi da consigna vegn fixaus dalla suprastonza communal. Prezi

Aschunta 2

Uaul privat

Art. 19

Damonda da pinar
lenna

Damondas da pinar lenna egl uaul privat ein d'inoltrar al selvicultur da revier. Per lenna da commerci ni pil agien diever che survargan 3 m³ per hectara ed onn drova ei ina lubientscha digl uffeci forestal circuital.

Art. 20

Lenna derscha

Lenna derscha ei da pinar continuadamein. Sch'il possesur desista da subvenziuns pil pinar, vala la limita digl art. 6 buca.

Art. 21

Indemnisaziun

La vischnaunca sa pretender ina contribuziun commensurada per la lavur dil selvicultur da revier en uauls privats.

Art.22

Access

Igl access en uauls privats ei tenor art. 669 CC lubius a mintgin.